

番人換世洞中秦女體生毛

清歌窈窕步虛齊月下高吟鳳舞低談笑不

干浮世事相將直過九天西

煙霞紫翠白雲高洞府群仙醉碧桃鼓透碧

巖雷電竅滿山禽獸盡呼號

道力神功不可言生成萬化獨超然大山海

嶽知輕重沒底空浮萬萬年

八月十日自昌樂縣還濰州城北王

清觀作中秋詩十五首

西縣東來至玉清金風一掃暮天晴開懷便

賞中秋月只恐臨時時不明

萬木西風徧九州最先一夜向西流出塵爽

氣清人骨是處歌歡不解留

初離海嶼有餘清為國歡心賀太平但願寶

光無隱翳不教天質有虧盈

渾金瑣玉上天橋抱雪凝霜耀太虛四海百

川無不鑿群生萬象若安居

一片清光萬里開無分茅屋與樓臺家家盡

得開外賞更有清風助快哉

有客徘徊望太虛開尊喜欲嘗蟾蜍光不

解留人意澹澹青霄只自如

金波晝夜不曾闕淡蕩清輝出海山素魄高

昇游物外恩光下照滿人間

碧漢崢嶸自有期天光照耀本無私却憂下

土昏魔重不見金輪出現時

團團皓月挂空虛百鍊青銅鑑不如一切水

中皆影現群魔摘膽盡消除

桂影朦朧下照人縱橫萬古不知因何當路

鶴雲霄上俯視青天白玉輪

雲去雲來不暫停朝昏恍惚變陰晴今宵幸

對輝煌質創作新詩暢道情

年年此際發生多連業彌天不奈何幸謝吾

皇嚴禁劫都教性命得安和

聖主登基萬物安仁風誠教自朝端邦君士

庶皆修德好放蟾光與東看

靜夜迢迢起黑雲東生無分樂天真空中自

是雲遙度天外何曾月過人

百歲光陰瞬息間中秋幾度得開顏不如鍊

性如秋月是胡身心自在閒

磻溪集卷之二

磻溪集卷之三

棲霞長春子丘處機撰

青天歌

青天莫起浮雲障雲起青天遮萬象萬象森

羅鎮百邪光明不顯邪魔王

我初開廓天地清萬戶千門歌太平有時一

片黑雲起九靈百骸俱不寧

是以長教慧風烈三界十方飄蕩徹雲散虛

空體自具自然現出家歲月

月下方堪把笛吹一聲響亮鎮華夷驚起衆

方王童子倒騎白鹿如星馳

遠遊別轉一般樂也非笙簧也非角三尺雲

璣十二微歷劫年中混元斷

玉韻珠琅絕鄭音輕清徧貫達人心中我從一

得鬼神輔入地上天赴古今

縱橫自在無拘束心不貪榮身不辱閑唱壺

中白雪歌靜調世外陽春曲

吾家此曲皆自然管無孔兮琴無絃得來靈

覺浮生夢重夜清音滿洞天

吟六首

先天吟

空山靜夜微雲作淡月疎星寒氣錯忽見長
 庚耀太虛迴觀北斗潛寥廓乾坤舒慘即時
 改宇宙紛紛何所託必有機關動搖憑虛
 反覆相酬酢大哉無極玄元道何者不蒙靈
 應藥點化三光轉碧空滋榮萬物開花夢騰
 今跨古未嘗壞歷險衝難殊不弱浩浩洪流
 自激揚紛紛大化誰斟酌混元一氣首與變
 無上至尊唯獨惡踏碎虛空出杳冥孽開混
 沌生揮霍陰陽升降作門戶日月縱橫為鎖
 鑰暑往寒來晝夜分時通運塞與衰各既而
 上立乾坤鈕復乃下鳴師範鐸建德隨方料
 物宜因時設教從人樂三皇五帝皆宗祖六
 道四生咸唯諾至聖文才尚發蒙猶龍道德
 何其博

度世吟

山深路僻行人少盡日幽巖聽啼鳥無客相
 陪皓月中有時獨立青雲表雲表孤吟百邪
 遠天涯一覽群山小調高風急韻悠颺清絕
 步虛神縹緲憶昔重陽泛天角清吟欲序乾

坤樸釣技扶風人不知測量大海余先覺入
 神妙致應難辨出俗玄談非所學返觀今日
 道崢嶸始得他年功卓犖首及東牟演仁孝
 未能化俗開籠罩五會軒軒立五名寧海金
 王華萊州平等文
 登七寶福山三光三州褒褒崇三教出神入

夢人驚駭擲蓋投冠子計較師居東海乃猶
 龍馬入西秦還變豹丹陽道隆於庚右也
 大定己丑夏四月余與
 舟舟等數人從重陽師自文登如寧海時道
 龍泉日氣稍熾即令余等前已執余在後距
 半里許余忽迴顧見余騰空而起余急返走
 聞之云持杖極而上不知其然而然初余走
 無所也時余法暮余陽子王公德于東海陽
 之查山山到文登一百一十里文登則余起
 處又七十里余起乃辰時及陽陰率陽公卷
 前柄內余陽子通靈往陽之陽余字扁韻本
 無乃師之所撰余自後查山下程公家藏之
 本寧海范明叔家借用者范後知佳取之而
 弗肯于投冠者初師之登城北觀海頭上竹
 皮冠忽墮水漂去已而復還余音竹

逍遙吟

十洲三島兮巨海之中瓊樓半闕兮參差半
 空松陰密鎖兮無長日統扇不搖兮有清風
 流金熱佩玉真仙未嘗說水晶宮殿開寶座
 星辰列碧虛懸象遠樓臺清淨化身非骨血
 本來身自通神談笑忽驚天上人

自在吟

瑤臺闌苑兮碧漢之中祥雲瑞炁兮盈盈滿
 空祥仙出沒兮灑清雨萬化開辟兮動香風
 炎蒸熱那裏人家不曾說煙收洞府開門倚
 星河列九天時復會嘉賓萬里不須乘汗血
 物外身自清神誰羨登樓搖扇人

望海吟

余觀天下形勢壯觀自潼關以東淮水
 以北無出登州因作望海吟用紀其實
 蓬萊僻東隅壯觀天下絕地隣仙聖域山枕
 魚龍穴憑高望羲和日極猶未徹蒼蒼天水
 迴泛泛雲霞泄長風起波濤萬里卷霜雪憑
 凌登島嶼澆莽失丘垤有時靈氣和變化非
 常別森羅無限景欲辨難措舌太哉百谷王
 沉沉洞清徹隨時潮有信歷代早無竭人間
 頃畝池是處廣開列比之鯨波大狀若蛙井
 劣望音平洋不見端瀾天自嚴潔東流莫渾濁
 萬古趨生滅

仙游吟

闕苑紅塵外瑤臺碧漢間洞中仙不老雲外

容長閨亦鳳吟丹穴紅猗吹藥欄青衣傳詔
下白鶴送書還宴赴瓊林會詩裁羽客班浩
歌金母殿長孺玉龜山果結三千歲樓高十
二環穆王何日到方朔幾時攀姑射肌猶潔
雙成克更殷飛瓊投月窟弄玉解華鬢命駕
遊三島博風過百蠻周旋窺海嶽奮擲上天
開蕩蕩空無極滔滔興未闌恢然超法界不
復戀人寰

頌三首

讚道

前賢後聖無差別異派同源化執迷太一混
元開戶購玄真直指上天梯

去惑

他人之言不可聽自己之心但可正若憑他
口是非言壞却自身功德性

示衆戒色

勞生有萬種最大無過色不唯夜命根復乃
銷陰德還能戒此一酷勝其他百慕道修仙
人從來是標格

步虛詞二首

曠蕩修真教飄飄出世門先師開戶牖歸馬
動乾坤陋室迴仙觀高名軋帝閣雲朋霞友
會朝禮太虛尊

寶炷成雲篆華燈簇夜光星河初煥爛鐘磬
乍悠颺離主承嘉會友心禱上蒼諸仙來顧
盼接引下虛皇

世宗挽詞一首并引

日庚機以大定戊申春二月自終南召

赴闕下蒙賜以中冠衫繫待詔於天長
觀越十有一日旨令庚機作高功法師

主萬春節醮事夏四月朔徙居城北官
菴越二日己巳奉聖旨塑純陽重陽丹
陽三師像于官菴彩繪供具靡不精備

後五月十八日召見於長松島秋七月
十日再召見剖折天人之理頗愜宸衷

薄暮言歸翌日途中使賜桃一棊庚機
不食茶果十有餘年過荷聖恩即唱一
枚中秋以他事得旨許放還山仍賜錢
十萬表而辭之遠已酉歲春途經陝州
遽承哀詔時也風塵頓洞天氣蒼黃士

庶官僚盡皆素服庚機雖道修方外身
處世間重念皇恩寧不有感謹綴挽詞
一首用表誠懇云

哀詔從天降悲風到陝來黃河卷霜雪白
日
賢塵埃自念長松晚天恩再詔迴金架賜桃
食厚德實傷哀

古調十五首

速備

一日一日復一日短景渾如電光疾天長地
久磨古今春去秋來變時律大夢沉沈無晝

夜浮生衮衮差勞逸人情不斷猶著空我志
雖高尚憂失教昧游魂如陷穿心懷嗜欲同
憐蜜蜜甜有味何日忘穿黑無明幾時出出

技須憑高尚行修治評不假虛僥術但能物
我却親疎自然神鬼難凶吉吾身道性未開

眼土塌紫扉且容膝和光同塵隨是非化聲
相待無相詰

時八月間令人持詩於縣中覓破布

衲衣西說也

白露將殘寒露潔山家冷淡觀遊絕樹頭黃

葉隆千林身上麻袍聯百結舊布重煩七里
市到城七衲衣復待三冬雪中豪富各仁
慈庶在確溪長守拙

隴山松

我居西山時六年山西上有松孤然朝雲霏
微接關塞暮雨浙瀝交洞天天生此境為吾
伴隔澗相陪遠相看鬱鬱蒼蒼氣色佳蕭蕭
瑟瑟風聲貫連枝合抱垂重陰受命已經千
載深如何今歲上春月平地忽遭樵斧侵斧
聲丁丁響溪谷松煙慘慘愁山麓也知天意
我將歸故遣靈巖爾先覆有夏為景亡人散
復何陳空山黯淡悲遊人白鶴高飛失行止
蒼龍偃卧無精神亦知物象終難固凡百有
形皆有數高敬物外歸去來大隱鄴中益開
悟

贈離陽唐括姑乃叔丞相之女弟也

予時在隴山京兆統軍夾谷公專人

書召姑尋至

東萊之姑性玄遠蘊德含章自起掖未能撈
漉今古原西出長安戴脯牽馱動邀吾於隴

山余時杖策徐東遠還到長安舊遊處故人
不死多蒼顏迴頭為報姑明取百歲光陰一
寒暑速拋家業遠物情早作閑人伴仙侶壺
中自遊日月長身外不復衰殘踈踈古騰今
別無事只由大德心開張

因早作

玄元大道統陰陽造化乾坤萬物昌高下如
能各處分始終即得免罹殃今之昌故多哉
障蓋為人心胡縱放羨食鮮衣器用華狂明
怪侶邪淫王陰陽交錯古來傳恩害相生本
自然逸逸不能廉度日因循直致早經年青
霄碧落常無雨紫陌紅塵唯播土鏹石流金
萬物焦鎔腸裂背群生苦有時率眾取秋祈
禱肉糝自嗜飢餓慢加之傷物命嗷呼何
足動神祇哀哉俗態荒聲色箇箇傾危身反
側安得人心似我心免遭痛切臨頭厄

贈華州沙澗寨劉校尉

劉公滿室皆行善供養關人心不倦巧行設
天我不為至心奉道人皆美殷勤種德養靈
芽聞郡生民有幾家佇看異日功夫到共躡

拜雲阿母家

惡物二有比麻飢

天蒼蒼兮臨下土胡為不救萬靈苦萬靈日
夜相凌遲飲氣吞聲死無語仰天大呼天不
應一物細瑣徒勞形安得大千復混沌免教
造物生精靈

造物生精靈

嗚呼天地廣開闢化出衆生千百億暴惡相
侵不暫停循環受苦知何極皇天后土皆有
神見死不救知何因下土悲心却無福徒勞
日夜含酸辛

六月庚午喜雨

我聞東山雨千載無西行胡為闕今夏屢及
滂沱雲昨日午時後一洗茅甲生今日申時
前再傾車軸烹千山日慘慘四野雷轟轟平
地涌三尺大河侵五更蛟龍出池沼旱魃填
溝坑雲漢復何有天衢從此亨

題劉節使所藏顯宗御畫莊子

顯宗好道當年壯手筆南華古形狀南華去
世千載餘狀貌風格知何如只是令人重古
道鬚鬢氣象加襟裾至人胸中本無待萬竅

吹噓任天賴，轉樞阮心不同。到了各歸於大塊。

冬日郊外閑步

草木既凋殘，冰霜何凜冽。長空鳥飛盡，大海魚遊絕。商旅不行，舟楫盡皆閉。冗誰能豐足，外解把孤貧設。

秋風海上

蓬萊有客無家鄉，身擬學仙遊。大方大方洪水浸天闊，東極萬里青茫茫。曉來雨過西風急，策杖憑高看呼吸。鴻鴈連天，剝棗晴魚龍戲。水操舟入千尺絲輪，直下垂碧波深處釣。鯨鯢紛紛魚鼈不肯食，織織波瀾空自速。挂席未能趁彼岸，乘槎再欲浮天漢。天漢高高萬象明白雲，誰是長生伴。

登州修真觀建黃錄醮

渾淪至道急如箭，反覆陰陽自交戰。太極茫茫造化開，平空落落神奇見。群生萬象參差出，六合八紘粧點遍。跨古騰今逐日新，流形返樸隨時變。有情無情不可窮，大智小智交相攻。不有聖賢開教化，那知動植本虛空。千

經萬論垂方便，寶笈琅函與眾善。自昔根源發，杳冥迄今道德猶。光顯邇來天下教，門與達士隨。方化有情我亦周，流三十載還鄉復。到海邊城城南，屆落修真觀。氣勢清高接河漢，俯視滄茫渤澥深。仰觀卓犖星辰煥，城中信士往來多。物外交朋意氣和，承安四年冬十月大興黃錄演金科。赤書玉字先天有，白簡真符破邪久。三級瑤壇映寶光，九危神燈攜星斗。燒岳破錢鄴郡山，列峙昇仙不可攀。四夜嚴陳香火供，九朝時聽步虛環。千門萬戶生歡悅，六街三市齊鋪設。金花銀燭相輝映，表裏光明自通徹。忽聞空外顯嘉祥，蕭索輪囷有異常。玉帝傳宣行大赦，仙童騎鶴下南昌。幽魂滯魄皆超度，白叟黃童盡欽慕。天涯好事未嘗聞，壓盡山東河北路。

維州城北千戶新觀

清閑不在苦幽棲，心上無塵到處宜。北海慈蔥郡城角地多花木，景多奇昔年車馬空撩亂。今日翻為玉清觀，觀中遊戲是何人。天下往來都散漢，池塘寂寂鎖煙霞。大寶蓮開十

丈花借問經營誰，施主龔封千戶大均家。題萊州招遠縣雲屯山觀

雲屯山上雲冥冥，天風蕩搖飛雨零。神奇幻恠不可測，千變萬化無常形。雲收雨霽杳無跡，但見群山羅翠屏。山高谷深復何有，白石磊磊松煙青。春游浩蕩滿山谷，直上似欲趣

天庭。心虛目極淡天闊，俯視漠漠環滄溟。昔居菴地走三郡，登萊字嶺人多朝拜今為洞天朝萬靈。虛空舊基作新觀，人呼舊址為虛空也萬世不朽傳佳銘。

五言短句三首

警世

粉黛與珍玩，繁華虛熱亂。欲知萬事空，須作百年觀。

登膠水北山

憑高望南海，極目天蒼蒼。天際白雲起，凌空飛杳茫。

雪霽

澄澄東海月，皓皓西山雪。殘夜忽嚴凝，清光何皎潔。

五言長篇五百

示眾

性逐無邊念輪迴幾萬道五行隨變化四大
 不堅牢暫假因緣活空貪歲月勞不知身是
 患徒脫物為高在事雖能幹於身大沒操六
 塵飛舟舟三界走噉噉眩惑疲雙眼食求逼
 二毛刺心無膽氣戀色有脂膏白首渾如雪
 蒼顏不似桃未能從教化尚自誇充豪勁捷
 穿雲鶴頭狂挂壁絲有時生校稍無事起波
 濤罪孽如山積精神似海洶無由伴松栢直
 待掩蓬蒿

海上述懷

海上風清冷天根水杳茫水山雖斷絕暑氣
 自銷亡雅志橫高節虛心適大方披雲遊汗
 漫鼓櫂泛滄浪獨立明千古周行視八荒天
 星非有落地脉杳無疆幻化漚千點浮生夢
 一場精神隨手變花木暫時秀百歲光陰短
 三山道路長求仙悲漢武失道歎秦皇採藥
 重應老乘槎客未詳空餘三島跡時復顯嘉
 祥大山小竹山半島為
三島嘉祥即海市也

秋日艾山

秋風蕩山嶽曉日驅雲煙嫩菊黃鋪地明霞
 翠掃天登臨思海嶠游戲挹山泉巨石危猶
 壯寒松老更堅巖花香馥馥湖草綠絲絲道
 跡潛行道虛心不生極觀空雖自在過景且
 留連被筆紅塵外馳名紫有邊猶慚金母訣
 敬道玉皇宣住世過三樂安時邁七賢翰光
 終返樸應物且隨緣蝶夢驚千古神游待百
 年人人選得過口口自相傳

武官梨花

白帝離金闕着龍下玉京地神開要妙天質
 賦清英色賞銀蟾媚香浮寶殿清參差千萬
 樹皎潔二三更艷香無光彩妖桃陪下情梅
 花先自匿柳絮敢相輕最好和風暖尤佳麗
 日晴游人期放曠羽客賀昇平未許塵埃染
 常貨雨露榮郭西傳舊跡山北耀新聲爛熳
 鶯穿喜扶疎鶴踏驚琳宮當戶牖芝室近蒼
 楹綽約姑山秀依稀華嶽精會看年穀熟普
 濟法橋成

登道士谷山

淡蕩春風暖暄和曉日連寒雲登詰屈絕頂
 觀幽奇北海洪濤闊南山大澤危東風青鳥
 下西嶺白雲垂眼界空濛極煙光縹緲隨精
 神何灑落道德自扶持髣髴丹青外未差碧
 漢涯那煩採芝術直赴上仙期

磻溪集卷之三